

**Warhafft vnd eigentliche
Beschreibung der Blutigen Feldt-
schlacht / zwischen seiner Prinzlichen Ex-
cellenz Moriz von Nassaw / 2c. Vnd dem
Erzhertogen Albrecht von Oesterreich / 2c.
Welche sich bey Newport in Flandern
den 2. Julij Anno 1610.
begeben.**

Nach dem der Erzhertog Albrecht vñ Oester-
reich 2c. vernommen welcher massen S. Ex-
cellenz / wie oben angezeigt / mit ein so mecht-
tigen heer in Flandern gefallen / vnd sich vor New-
port gelegert / hat er in eyl sich auffgemacht / vnd auch
ein starckes gewaltiges heer versamlet / mit welchem
er neben den Sandbergen her / eben den weg den S.
Excellenz zuvor genommen / gezogen / fürhabes / wie
man auß allem abnemen kondte / sich auch vor New-
port zu begeben vnd S. Excellenz auffzuschlagen.

Hierauff hat S. Excellenz / den Feind so vil mö-
glich war / zuuerhindern vnd auffzuhalten / Hr. Ernst
von Nassaw ein wenig vor dem tag dē 2. Julij / mit
2. Regimenten Fußnechten / nemlich dem Schott-
lendischen vnd einem Seelendischen / neben 4. Jah-
nen Reutter / auß dem Lager vor Newport fürge-
schickt / welchen auch etliche Fehulein von der Bes-
atzung zu Ostende beygefügt worden / wie auch die
iehnige so von den Schanzen vnd Bestungen Du-
denburg / Plassenthal vnd Dredene kommen waren
mit befelch dem Feind den Paß vber ein Bruck / so
auff einem Wässerlein lag nicht weit von der Schan-
z Albertus / wann man nach den Sandbergen zu gehē
will